

**Uunga siunnersuut: Nioqputissanik eqqussuineq annissuinerlu pillugit Inatsisartut inatsisaata allanngortinneqarneranik Inatsisartut inatsisaat**

(Aningaasaqarnermut, Aatsitassanut Nunanullu Allanut Naalakkersuisoq)

**Akissuteqaat**

(Aningaasaqarnermut, Aatsitassanut Nunanullu Allanut Naalakkersuisoq)

**Aappassaaneerneqarnera**

Inatsisinut Ataatsimiititaliaq inatsisissatut siunnersuutip, kiisalu allannguutissatut siunnersuutip aappassaaneerinissami saqqummiunneqartup suliarineqarnerannut atatillugu peqqissaartumik sulisi-manera pillugu Naalakkersuisut sinnerlugit qutsavigaara.

Ataatsimiititaliap isumaqatigiissup siunnersuummut, nioqputissanik eqqussuiner-millu nakkutilliinerup annertusarneqarnissaanik pitsanngorsarneqarnissaanillu siunertaqartumut ta-persiinera Naalakkersuisut nuannaarutigalugu maluginiarpaat.

Naalakkersuisut aappassaaneerinissami allannguutissatut siunnersuummik saqqummiussippot. Aki-leraaruseriffiup umiarsualivinni timmisartoqarfinnilu ininut pisatsersorneqarnerinullu, nioqputissa-nik usingiarneqartunik usilersuunneqartunillu kiisalu ilaasunik nunamut niunneqartunik ilaasussanil-luunniit ikineqartunik misissuinnissami atorneqartussanut tunngatillugu piumasaqaateqarsinnaalerna siunnersuutip kinguneraa.

Siunnersuutip aappassaaneerneqarnissaani allannguutissatut siunnersuummik saqqummiussinermut atatillugu tusarniaanermut piffissaliunneqartup sivissussusiata ataatsimiititaliamit apeqquserneqarne-ra Naalakkersuisut maluginiarpaat.

Tassunga tunngatillugu oqaatigineqassaaq apeqqut taanna, allannguutissatut siunnersuutikkut saq-qummiunneqartukkut iluarsinarneqartoq Naalakkersuisut kingusissukkat aatsaat paasimmassuk. Apeqqutinngortup pingaaruteqartullu taassuma inatsisitigut paasinarsisilluarneqaqqaarnissaa Naa-lakkersuisut ataatsimut nalileereerlutik eqqortuusoraat.

Ataatsimiititaliaq inatsisissatut siunnersuutip pingajussaaneerneqannginnerani allannguutissatut si-unnersuummik, tusarniarneqartut aappassaaneerinissami allannguutissatut siunnersuut saqqummi-unneqartoq pillugu isumakulunnartitaasa ilaannik ilaatigut aaqqeeriutissaasumik saqqummiussiniar-nera Naalakkersuisut isumaqatigaat.

Allannguutissatuttaaq siunnersuutit allat, ataatsimiititaliap inatsisissatut siunnersuutip pingajussaa-neerneqarnissaanut saqqummiunniagai Naalakkersuisut isumaqatigaat, allannguutissammi nioqqu-tissanik eqqussuiner-mik annissuiner-millu nakkutilliinerup annertusarneqarnissaanik pitsanngorsar-neqarnissaanillu siunnersuutip siunertaanut naapertuummata, taamaammallu taamatut oqaaseqarlu-

nga siunnersuut, aappaassaaneerinissamilu allannguutissatut siunnersuutip Naalakkersuisunit saq-qummiunneqartup Inatsisartunit nanginneqarnissaat suliaikkiissutigaa.